



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

Plurimùm nobis in hocce præsentiae Dei studium incumbendum est

[urn:nbn:de:hbz:466:1-46004](https://nbn-resolving.de/urn:nbn:de:hbz:466:1-46004)

progressio, consequenterque insignis vita sanctitas ac morum puritas, modestia exterior, arque interior pax & tranquillitas admiranda. Eapropter hoc unum erat ex primis ac præcipientibus documentis, quæ veteres Patres nostri suis olim Novitiis, mox à suo in Religionem ingressu, suggerebant: Nunquam, inquietabant ipsis, corda vestra à Dei recordatione abstrahite. Cogitate illum semper esse coram vobis & vos coram illo, atque istud est paucis comprehensum eorum omnium, quæ ad sanctitatem consequendam necessaria sunt, compendium. Ipse eternim Deus hoc solum præceptum tanquam unicè necessarium suggessit Abrahamo, ubi ait: *Ambula coram me, & es tu perfectus.*

Gen. 17.

Plurimum nobis in hocce præsentie Dei studium incumbendum est.

Quandoquidem exercitium illud tot tantaque confert emolumenta, ideoque tanto perè cordi & curæ fuit iis omnibus, qui in isto sancto vita nostræ instituto nos præcesserunt, æquum profectò est, ut & ipsum nos magnâ cum sollicitudine amplexemur, adeoque ipsum nobis familiare reddamus, ut nobis quasi in naturam convertatur. Etsi verò Novitiis fortassis initio difficile sit illi se subjicere, animum tamen despondere nequaquam debent, quia paulatim ac sensim sine sensu facilissimum ac jundissimum ipsis evadet.

Verum quidem est, hoc exercitium constanter & contentè practicatum videri totalem corruptæ mortem naturæ, quia per ipsum

yana

vana sensuum libertas omnino resecatur, imaginationis evagationes cohibentur, supprimuntur immoderati tuis, recreaciones inutiles, ac jactura temporis aboletur, arque, ut verbo dicam, ad hoc, ut quis continuo in praesentia Dei perseveret, omnino necessarium videtur, ut jam cum vivus in numero mortuorum sit, omninoque hujus vitae delectationibus, ob ingentem in mortificando te fiduciam, quae huic exercitio inseparabiliter adhaeret, nuncium remiserit. Veruntamen hoc terrere dumtaxat debet eos, qui nimium suimetiporum sunt amantes: at si Fratres nostri vel tantillum habeant sinceri erga Deum amatis ac desiderii suae perfectionis, omne gaudium suum in mortificatione pro Deo constituent, dicentes cum Apostolo: *Miki vivere Christus est & mori lucrum.* Aut certe cum Psalmista in Deo suam constituentes oblectationem, dicent: *Quoniam propter te mortificamur tota die: estimati sumus sicut oves occisionis.*

Phil. 1. 21.

*Delectare
in Domine.*

Ps. 43. 82.

Verum quid esse difficile potest ei, qui Deum intueretur praelentem, suorumque spectatorem, ut ita dicam, praeliorum? Quantam inde percipiet suis in afflictionibus consolationem atque in temptationibus generositatem? Quod si oculis essemus satis perspicacibus, ut videre possemus Deum cunctis nostris difficultatibus praelentem, manu praeferentem coronam, ac supra modum ad nos attentum, quid foret in mundo, quod impedire aut retardare nos posset? Contemnere Regem est, illo praesente ignavum agere ac locordem, quae culpa co-

gravior est, quando ipsius Regis hoc in conflictu res agitur. Nostri autem conflictus sunt pro Deo, plurimum ergo ipsum offendimus, ubi ignaviter ac levi brachio dimicamus.

*Idea quam
quis ha-
bere potest
de præsen-
tia Dei.*

Pj. 32, 18.

Cogitatione fingamus totum hunc mundum esse ingentem aliquam planitatem, in qua Deus cuncta quæ sunt, incessanter consideret. *De cœlo respexit Dominus; Vedit omnes filios hominum. De præparato habitaculo suo respexit super omnes, qui habitant terram.* Homines hoc in plano camporum æquore agunt tanquam Athletæ in pugnando sese exercentes : illic Deus considerat quosnam quis perferat dolores, quam mortificationem suscipiat, quos patiatur insultus, tandemque quis viator evadat, & quis succumbat. Quisnam obsecro hinc magnam in laboribus suis & continuis mortificationibus non hauriat consolacionem ? Quid non æquum est pro Deo nos sacrare, cum tanta homines pro aliis faciant hominibus ; milites, inquam, pro Regibus, dum hi illos coram intuentur ? Quæ etenim pericula non adeunt ? Quot sese vulneribus non expolunt ? Tormentorum explosionibus sese rectâ opponunt; in medium quasi grandinem catapultariorum iactuum sese injiciunt, inimicum per vestigant, equitum ordinatas phalanges per vadunt, pedestres cuneos per rumpunt, ac perfringunt, & , quasi novam vitam reperiunt in morte, prorsus nil metuunt. Ecquiam igitur ratione fieri posset, ut nos ex præsentia Dei nostri tantum animi vigorisque ad vitia ac passiones nostras debellandas, salutis nostræ inimicos profligandos, virtutumque praxis generose;

rosè, etiam in occasionibus difficilioribus, amplexandam non hauriamus, quantum illi ex Regis præsentia hauriunt animi roborisque ad morti se exponendos?

Quod verò quovis in loco, præcipue verò in conflictibus nostris, noster nos Deus intueatur. Scriptura sacra non uno loco fidem facit, illiusque rei exempla non pauca neq; contemnenda suppetunt. Inter alia de S. Antonio in vita illius sanctus quoque Athanasius recenset; sanctum illum Anachoretam aliquando crudeli oppugnatione à Diabolis invasum, pluribus in tribulatio sui corporis locis ad mortem penè usque fuisse *Junt corda*. sanctus Eremicola exiguum divinæ lucis radium cellam suam ingredientem conspicatus suaviter apud Deum conqueri cœpit atque ait: *Ubì eras, mi Jesu, ubi eras in hoc tam duro arduoque confictu? Cui Christus, hic eram, inquit, Antoni, singulariterque fidelitate tua contuenda obleabar.* Fratres igitur nostri exercitio huic familiarius assuescāt, fructusq; inde si numero percipient prorsus obstupescendos.

*Diversi modi practicandi exercitium
præsentiae Dei.*

Sancti Patres, qui nobis de vita spirituali scripserunt, tria distinguunt genera præsentiae Dei, imaginariæ scilicet, intellectualis atque affectivæ.

Præsentia Dei *imaginaria* est, ubi nobis representamus sacram Salvatoris nostri humitatem, omnesque actiones nostras in ilius exercemus præsentia, ac si ipsum oculis nostris corporeis cerneremus, conando

*Cum ipso
sum in
tribula-
tione.*

Ps. 90. 15.

*Iuxta eft
Dominus
is, qui
tribulato
fauclauin.
Ps. 33. 16.*

Junt corda

Ps. 33. 16.

*Quid sit
præsentia
Dei ima-
ginaria.*

illas

V 3